

H V D L

1 5 8 9

D. g. 130

Geog.
~~N. 3~~ 238
4^{1/2}



o

Erklärung
Königlicher Majestet
 in Frankreich / der jetzt im König-
 reich endstandnen Empörung
 wegen.



M. D. LXXV.

Erklärung der

einzelnen

Artikel

des

Vertrages

zwischen

dem

deutschen

Reiche

und

den

andern

Teilen

M. D. LXXV.



Erklärung der R^ö. Mt. inn Franckreich / der jetzt im König- reich endtstandenen Empö- rung wegen.



Wiewol der König bisshero durch schrifftten vnnnd Mandat seine vnderthanen züuul malen verwarnt / sich der jenigen beredungen vnd anschlag nit bewegen zü lassen / welche vnderstehn sie an sich zü ziehē / vnd sie dardurch von ihrem fridlichen wesen abführen. Wieswoler auch verzeihung vnd gnad allen denen angeboten vnd zugesagt / die sich albereit eingelassen / aber nach dem sie sein des Königs willen vernommen wider zü ruck gefert / So hab doch ihr Mt: mit grossen mißfallen vernommen / das ohngeachtet angeregte gebott vnd güttherkigen verwarnungen etliche seiner vnderthanen / nicht vffhören inn obgemelte verbündnussen sich zübegeben / dazu durch vnderschiedliche vrsachen sich bewegen / der grösser theil aber / durch die ansehenlichen schönen farben verführen vnnnd blenden lassen / mit denen die anfenger vnd Hauptvrsächer solcher vereinigung ire fürhabē schmuckē vnnnd zieren.

Des wegen ihr Mt: sich schuldig erkent / zü erhaltung irer vnderthanen gemeinen wolfart / zü endtschuldigung ihres gewissens gegen Gott / vnd zü rettung irer reputation gegen der Welt / solchen verblümbten fürgeben das liecht der Wahrheit / als den rechten trost aller güttherkigen / vnnnd rechten todtsfeind ihrer widerwertigen / endtgegen zusehen. Damit ihrer Mt: vnderthanen / durch den klaren schein der warheit geleits

tet/bey rechter zeit vnd ohne ver hinderung erkennen vnd vnder
scheiden können/ den vrsprung vnnnd das end diser newen Em-
pörung/ vnd das sie durch das mittel zügleich auch dem jamer
vnd Ellend/ so in gemein vnd vber ein jeden insonderheit dar-
auß volgen würt/ endtfliehen mögen.

Die schein vnd vrsachen so die anfänger jekiger vnrühen
fürwenden/ seind fürnemlich gegründet/

1 Auff wider auffrichtung der Catholischen/ Apostolischen/
Römischen religion inn disem Königreich.

2 Auff außtheilung oder besetzung der fürnembs ten ämpter
vnnnd digniteten dises Königreichs/ mit denen / welchen solche
billich gebüren/ vnd dann/

3 Auff dem das die Geistlichen / der Adel vnd der gemein
Mañ bey seinen Ehren vnd Güttern gelassen/ vnd obligenden
beschwerden endtladen werde.

Welche puncten alle (Wie ein jeder auß ohnuerfälschten
effecten sehen können) ihrer Mt: so eiferig jeder zeit seind ange-
legen gewesen / das kein mensch an ihrer Mt: intent dises ortz
einigen fñg hatt zü zweiffeln/ also das wol züsehen das gar nit
von nöthen gewesen/ die Vnderthanen der gestalt zü erpracti-
siren/ sich bewehrt zü machen/ des gleichen freinde macht auff
zübringen/ ihr Mt: damit zü tringen/ die ding an die hand aller
erst zü nehmen/ die an ihnen selbs billich/ thünlich / vnnnd dem
Vnderthanen nutzlich seien.

Dann die Religion betreffend / hat ihr Mt: Ehe dann sie
zü der Kron kommen/ oft jr leben gewagt/ vnd ganz glücklich
die außbreitung gemelter Religion verfochten/ vnd nach dem
es Gott gefallen / sie zür verwaltung dises Königreichs zü be-
ruffen/ hat sie auch züm offteren mal iren stadt in gfahr gesetzt/
ihr beste mittel / ihr leben vnnnd Substanz ihrer getrewen die-
ner zü dem End angewendet / vnnnd hat sollichs alles vil öffter
gethan/ dann das ihr Mt: aller erst jekt die anfenger solcher vn-
rñu / bereden oder ihnen fernere vrsach geben soll zü glauben/
das keiner/ er sey auch wer er woll inn oder außserhalb dises Kö-
nigreichs/

nigreichs/ auch wes stands er wöll/ zu finden / der ihm die Religion vnd Gottesforcht mehr laß im herzen angelegen sein/ dann ihr Mt: bisher gethan/ vnd hinfürter bestendiglich / vermittels Göttlicher gnaden/ thun würt.

Vnd ob wol ihr Mt: ires Brüders/ seliger gedechtnuß/ wie auch vil anderer Fürsten in der Christenheit exempel nach (deren Reich vnd Staht mit widerwertigen meinungen der gemelten Religion seind angefochten worden) mit guttem weisen Rath / der Königin seiner Frau Mutter / des Cardinals von Bourbon/ anderer Fürsten vnd veramteten der Kron/ auch anderer Rath so ihr Mt: bey sich gehapt/ die damaln von gemelter Religion wegen endtstandene empörungen/ gestillt/ erwartend/ biß es Gott gefallen wolt / sie alle in der Schoß seiner Kirchen wider zu vereinigen. So volgt darumb nit/ das ihrer Mt: eifer vnd andacht/ in dem was Gottes ehr/ vnd genßliche wider vffrichtung der Catholischen Apostolischen Römi schen Kirchen belangt / deswegen geändert vnd jetzt ringet sey / dann sie inn zeit werender Krieg von meniglich ist gespürt worden. Sonder das ist die warheit/ das ihr Mt: begert meniglich bewußt zu sein/ Das sie gemelten Friden außdrucklich darumb allein bewilliget / dardurch züuersüchen / ob sie durch mittel desselben ihre vnderthanen wider zu der Kirchen Gottes einhellig bringen möcht / welche durch böse gelegenheit vñ zulassung der zeit/ dauon sich hatten abgesondert/ Nach dem ihr Mt: so lange zeit mit höchster gefahr ihrer person vnd ganzē Stahts/ mit vergießung souil blüts einer grossen anzal Fürsten/ Herzen/ vom Adel/ vnd seiner vnderthanen/ welche alle inn zeit werender Krieg todt bliben/ erfahren. Nach dem sich die zwitracht der Religion in disem Königreich erhaben/ vnd bey ihrer Mt: Brüders/ vnd ihrem selbs minderjährigen alter/ zu höchstem mißfallen ihrer Frau mütter der alten Königin/ eingewurzlet / das solche durch mittel des Kriegs vnd mit gewehrter hand/ ohne augenscheinlich verderben der vnderthanen vnd des Königreichs nit haben mögen zu end geführt wer

den. Zu welchen mitteln des Fridens ihr Mt: sich damalen er-
klart/als sie vermerckt dz alle Ständ durch langwirigkeit der
Krieg gar ermüdet vnd außgemattet / vnd das es auch allent-
halben an den mitteln solche Kriegskosten länger zuerstatten/
manglete.

Welches nit were eruolgt/als bey der gemeinen versams-
lung aller Ständ/ so zu Blois gehalten / gemeiner Ständ des-
putierte/ gleich wie sie auß cyfferiger neigung zu der Catholi-
schen Religion damaln den König ersucht / das exercitium
der vermeinten reformirten Religion durchaus in disem gan-
zen Königreich abzuschaffen/daher dann damaln die gemach-
te vnd geschworne verabschiedung eruolgt/ die auch jre Mt: zu
exequiren sich gern bemühet/ wann sie damaln zu gleich auch
fürscheidung gethan ein solchen vorraht an Gelt zuhaben/der zu
endlicher außführung eines solchen Kriegs gehört / welches
auch notturfftig zuthun gewesen/ vnd von ihrer Mt: ernstlich
begert worden.

Vnd würden die nit vrsach haben jetzt zuflagen/ die doch
offentlich außgeben/das meniglich damalen des glantz der gu-
ten hoffnung/die sich aus gemelter der Ständ gemeinen reso-
lution erzeigt/alsbald wider seie beraubt worden.

Zu dem das einem Vnderthanen vbel ansteht vnd nit ges-
bär/ seines Königs handlung zu tadlen / dieweil ihm offte die
fürnemsten heimlichen vnnnd verborznen vrsachen seiner ge-
bott vnd ordnungen vnbewust/die doch an ihnen selbs vil wich-
tiger vnd erheblicher / dan die offenbar vnd einem jeden bekant
seind/ dieweil allein Gott als dem rechten he: skündiger vnnnd
Richter aller König vnd Fürsten handlungen sollichz zusticht/
dem auch die vrsachen bekant/die ihr Mt: vber alles ander ge-
trungen den friden zubewilligen. Das nemlich nicht zuzweiff-
len gewesen/Wann ihr Mt: lenger damit verzogen / das dises
Königreich mit frembder Kriegsmacht were vberladen / dar-
aus allerhand trennung verursacht worden / die dem ganzen
Stah

Statt dieses Königreichs zu vil schwer vnd nachtheilig weren
gefallen.

Derwegen jr Mt: allem oberzelttem Vbel zubegegnen/ des-
ren würcklichkeit vnd effect zuuerhindern/ vnd bessere mittel zu-
uersuchen/ den Friden bewilligt/ vnd gar nit Kezeren in diesem
Königreich zubesetigen/ oder einzuführen/ wie jetzt öffentlich
ausgeben würt. Dann dergleichen gedanken in eines Christ-
lichen Fürstē/wie jr Mt: sich bißher erzeigt/ herz/ nie kommen.

Dieweil auch ihr Mt: die oberzelten beschwerden zuuor
gesehen/ empfunden vnd erfahren / so hat sie vermeint/ daß ge-
melte pacification desto länger hette sollen erstreckt werden/ das
mit zum wenigsten die Vnderthanen in mittels der oberigen
puncten/ so von gemeinen Ständen bey obgemelter versam-
lung seind proponiert worden / desto fruchtbarer hetten ge-
niessen können / dieweil Friden vnd einigkeit nichts anders ist/
dann ein vorgehend notwendig Fundament zukünfftiger an-
ordnung guter Gesaz/ vnd guter reformation böser sitten.

In welchem ihre Mt: sich seither ohn auffhörlich bemü-
het/ wie die deswegē gemachte Edicta vnd Ordnungen/ die ire
Mt: auch mit grosser mühe ins werck zubringen begert/ zuer-
kennen geben. Vnd das ihre Mt: ihren willen in dem nit voll-
komlich erhalten/ das reicht ihrer Mt: zu grossen herzleyd/ vnd
ist möglich/ das solches eben so wol durch fahzlessigkeit etlicher
ihrer Mt: Diener vnnnd Berampteten / vnnnd subteile ge-
schwindigkeit vnd griff ihrer mißgünstigen/ als auch daher er-
uolgt/ daß bey werenden obgemelten Kriegen/ Gottlos leben/
zerüttung vnnnd vngheorsam/ zu vil plaz vnnnd raum in diesem
Königreich gewonnen.

Durch den Friden seind vil Stätt so mit Catholischen
Burgern vnd Innwohnern besetzt/ des Kriegsvolcks so diesel-
ben inngehabt/ entladē/ Das exercitium der Catholischen A-
postolischen Römischen Religion allerdings wider ergenkt
worden/ wie dann durch ihrer Mt: sorgfeltigkeit vnd fleiß/ vast
in allen Stätten dieses Königreichs/ auch in denen geschehen/
da/

Da/die so sich der vermeinten reformierten Religion nennen/die stärcksten seind/in denen auch ihr exercitium (von dem an das ihr Mt: zu der Kron kommen) aus denselben Stätten ist außgeschafft worden.

Die Iustitia hat sich gleicher gestalt auch wider sehen lassen/wa nicht so vollkommen/wie man wol begert/ doch der gestalt/das sie zu etlich malen mechtig gnüg gewesen / die frommen zuschützen vnd die bösen zuschrecken.

Die Prelaten vnd Geistlichen seind wider zu ihren Kirchen kommen/desgleichen ihrer Güter vnd Einkommen/ deren sie zuvor inn den Kriegen beraubt waren / wider geniessen mögen.

Die Ritterschafft vnd Adel haben in ihren Heusern sicher leben mögen/vnd seind der vncosten enthebt gewesen/die sie zuvor in werenden Kriegen für vberfall sich zuuerwahren/haben anwenden müssen.

Der gemein Burger der seiner Güter entraubt/mit seinem Haußgesind im ellend hin vnd wider sich behelffen müssen/der ist auch durch mittel des Fridens wider zu seiner häußlichen wohnung kommen.

Der Rauffmann hat sein handtierung wider an die hand nehmen können/ die ihm durch die empörungen allenthalben seind gänzlich nidergelegt gewesen.

Der gemein Baurmann/ der von der schwere des vnzträglichen lasts / des so gar vng gehaltenen mutwillens des Kriegsvolcks/ gar ist vndergetruckt vnd verderbt gewesen/der hat durch mittel des fridens gelegenheit gehabt/ sich etwas zu erholen/ zu seiner ordenlichen feldarbeit wider zuzuehren/ vnd sein arbeit seligs leben damit zuerhalten. Vnd in gemein/so ist kein Stand oder Person/ die nit würcklich der gütthat des fridens empfunden vnd genossen hab.

Vnd wie ihre Mt: jederzeit ganz eiferig zu der Ehr Gottes/vnd sorgfeltig für gemeine wolffahrt gewesen/als immer ein Christlicher vnd recht frommer Fürst soll sein/das vbel vnd vnz
heil

heil seines Staates zuerkennen / vnd fürnemlich dem abnehmen
der Gottesforcht vnd der Justicien fürzukommen / also hat ihre
Mt: von zeit an getroffenen Fridens ohn vnderlas sich bearbei-
tet / die zwo Seulen / Gottesforcht / vñ der Justicien wider auff
zurichten / die durch den gewalt vergangner Krieg gar nahe
vmbgestossen vnd zur erden gelegt waren.

Sollichs hat sie angefangen mit dem / daß sie zu Kirchen
amptern / als denen die Seelsorg befohlen / taugliche vnd solche
personen ernent / wie inn den H. Decreten versehen vñnd ge-
ordnet ist.

Es hat auch ihre Mt: mit ihrem eignen exemplo ihren
Vnderthanen vrsach geben / ihr leben zu reformieren / zu der
Gnad vnd Barmhertzigkeit Gottes durch ihr gebett vñ stren-
ges leben sich zukehren / dardurch dann die Catholischen in ih-
rem Ampt gegen der Göttlichen Mt: confirmirt / vnd deren so
sich von der Kirchen abgesündert / etlich bewegt worden / mit
derselben sich wider zuuersöhnen.

Sie hat auch der Clerisey anligen vnd beschwerden güt-
lich vnd gern angehört / Nach dem sie ihnen erstlich vergönt /
daß sie sich deswegen versamlen mögen / vnd hat darauff auß-
führliche vnd ganz wolgemeinte verordnung gethan / in dem /
daß sie sie der extraordinari Zehenden mehr entladen / dann
damit beschwert / vnd nicht angesehen die noth ihrer eygnen sa-
chen / vngeachtet / was jehund dem zuwider von ihrer Mt: auß-
geben würt / dabey sie noch vbel zufriden / daß sie sie nit auch der
ordinarien entladen kan / auß vrsachē / daß ihr Mt: zu ihrer an-
kunfft zu der Kron befunden / daß sie für etliche Gesell der
Statt hauß zu Paris seind allbereit verpfändet gewesen.

Gemelte Prelaten vnd Geistlichen haben auch durch zu-
lassung ihrer Mt: gelegenheit gehabt die Prouincial Concilia
zuhalten / durch mittel derselben die in werendē Kriegē / in der
Kirchen eingerisue mißbräuch zu reformieren / desgleichen vil
andere gute heilsame Ordnungen / der Kirchen zum besten zus

B

machen/welche alle von ihrer Mt: bestetigt worden seind.

Das seind die Frucht vnd nutzbarkeiten inn gemein/die die Kirch Gottes vñ Catholische Apostolische Ro: Religion/ durch mittel gemelter pacification bisher gehabt vnd genossen/ neben vil andern sonderbaren/ die zuerzehlen vil zulang seind.

Die Iusticiam betreffend/weist meniglich die mühe/so ihre Mt: gehabt/dieselb auß der Finsternuß / in die sie durch vergangne Krieg verstorffen worden / wider herfür zuziehen/vnnd sie wider in ihr vorige alte clarheit vnd ansehen zubringen.

In dem jr Mt: alle oberflüssige Empter abgestellt / dergleichen die verkauffung der notwendigen Empter abgeschafft/ welche seine vorfahren aus not/Gelt zuwegen zubringen veil gemacht/ vnd vmb Gelt hingeben habē/vnangesehen ihrer Mt: eignē gleichen noht/die nit geringer dan seiner Vorfahren gewesen.

Aber das/ so hat ihr Mt: auch den zuuil offnen weg zu den Remissionen vñ Exceptionen/die vor disem auß eigener bewegnus gegeben worden/ zugemacht/ die weil sie befunden/zu was frechheit/mißhandlungen zubegehen/das ein/vnd zu was confusion der Iusticien, das ander vrsach vnd anlaß gegeben.

Ferner so hat ihr Mt: seidt offgemelter pacification die mittel gehabt/ daß sie auß dem Parlement zu Paris vnderschiedliche Rāth in vnderschiedliche Prouincien verordnet/ an der ort jedem/den Vnderthanen gebürlich Recht zusprechen/ daher der nutz entstanden/ den ein jeder dauon empfunden/ welcher nutz auch noch grösser/zu redlicher Leuth gnügen hette werden können/wann ihr Mt: zu solchem ihrem heilsamen fürnehmen/ von denen / die der Natur vnnd sonderbaren obligation nach / sollichs zuthun schuldig gewesen / mehr beystands gehabt hette.

Aber wie durch vngelegenheit oder vnglückliche zeit etliche in die frechheit kommen/daß sie ihrer Mt: die fehl vnd mangel/so andere begangen/zugelegt/also ist auch die boßheit vnnd

corru

corruption / mit solchem freuel vnd mutwillen geheufft worz
den / das ihren vil sonder begierd vnd gefallens gehabt / ihrer
Mtt: auch heilsambste vnd beste handlungen außzuschreiē / iren
Vnderthanen verhaßt zumachen / vnd also derselben beifall
vnd gutwilligkeit / mit verlust ihrer Mtt: reputation / an sich zu
ziehen / so fern das sie sich auch bisweilen nicht gescheucht / für
ein zuuil grosse heftigkeit vnd Tyranney zudeuten / die eyferi-
gelöbliche sorgfeligkeit / die ihr Mtt: angewendet / gemelter ver-
ordneten Rāth decreta vnd erkantnussen wider etliche so miß-
handlet gehabt / zu erequieren.

Dieweil nuhn ihr Mtt: angefangen durch obgemelte mit-
tel fürscheidung zuthun / zu wider auffrichtung der beiden Seus-
len / als rechten Grundvesten vnd handhaben der ganken Mo-
narchi / So hat sie nit gezweiffelt / durch continuation des fris-
dens / dieselben allerdings wider zuegāngen / wann Gott dem
Königreich vnd den Vnderthanen die gnad gethan hette / sie
dessen würdig zuachten.

Welches / wie sichs ansehen laßt / die jenigen nit weniger
geförschtet / dann fürsesehen haben / die jetzt begern die Vnder-
thanen zubewegen / zur Wehr zugreifen / vnder dem schein ei-
nem vnd dem andern der obgemelten puncten gute fürscheidung
zuereschaffen.

Sie geben auch öffentlich für / das sie zur Wehr griffen /
damit sie den entpörungen begegnen / die / wie sie förchten / sich
nach ihrer Mtt: tödlichen abgang eines Königlichen Succes-
soris halb / zu nachtheil der Catholischen Apostl. Rö: Religion
begeben möchten.

In welchem sie sich selbs bereden / oder zum wenigste of-
fentlich außgeben / das ihr Mtt: oder die zehningen / so am nech-
sten bey ihrer Mtt: den beifall thun / die sich allwegen als ver-
folger gemelter Religion erzeigt.

Welches ein solliche sach ist / da ihre Mtt: ihre Vndertha-
nen bittet vnd verwarnet zuglauben / das ihr Mtt: nie dahin gez-

dacht/dann dieweil sie (Gott lob) noch im blüenden vnd sterck-
sten alter / vnd vollkomner gesundheit / wie auch zugleich ihr
Gemahel die Königin / so verhofft sie / Gott werd ihr Erben/
zu vollkommnem gemeinen gnügen aller ihrer getrewen lieben
Vnderthanen/ geben.

Vnd hat bey iher Mt: das ansehen/das man zugleich vn-
derstehen woll / die zeit vnd Natur zuzwingen/vnd/das noch
mehr ist/ zuvil misstrauen von der Gnad vnd güte Gottes/
von iher Mt: leben vnd gesundheit / vnd seiner Gemahel der
Königin fruchtbarkeit ihres Leibs/ zuschöpffen/ mit dem/das
man jehiger zeit nit allein disen Streit erregt/sonder auch mit
Heeres krafft vnd gewehrter Hand entscheiden will.

Dann an statt das Königreich des vbels / so man sich ges-
melter vrsachen halb zubesorgen zuhaben fürgibt/zuerledigen/
so würt durch gegenwertige Kriegs empörung / so diser vrsas-
chen wegen geschicht / nicht anders außgericht / dann eben die
schmerzen vnd recht tödliche effect desselben befördert / dieweil
nicht zu zweiffeln/das durch dises mittel das Königreich in kur-
zem/mit frembder Kriegsmacht/trennung / vnausleschlicher
zwitteracht/Mord/Blütuer giessen/rauben vnd plündern/ober-
heufft werden würt.

Da sehe man wie die Catholisch Religion wider würt
auffgericht werden / wie der Geistlich stand der Zehenden er-
ledigt/wie der Adel in seiner Ruhe vnd friden seiner Freiheiten
geniessen/wie die Burger vnd Inwohner der Stätt der Bes-
atzungen entladen/vnd wie des gemeinen armen Manns mit
den aufslagen vnd Schatzungen werde verschont werden.

Ihr Mt. erinnert/vnd verwahznet auch ihre vnderthanē/
sie wollen bey disem die augen wol auffthün/ vnd sich nit selbs
bereden das der Krieg so bald sich werde enden / wie man auß-
gibt/sonder das sie mit gütter vernunft den anhang vnd nach-
uolg desselben wol erwegen / vnd nit zugeben wollen / das ihr
reputation geschändet/ vnd ihre Waffen zu instrumenten ges-
braucht

braucht werden/ ihr eigen Vatterland züuerderben/ vnd dessen
feind züerheben/ welche allein des gemeinen ellends vñ jammers
sich werden züerfrewen haben.

Dann in mittels wir/ als wann wir vnser eigen wolfart
zü erkennen gar verblindet/ einander selbs vmb die hälß brin-
gen/ vnd darzü jres beystands vns gebrauchen/ Der gleichwol
von aussenher ansehenlich/ aber in effectu nichts anders dann
ein vnderhaltung vnd nahrung vnser vnheils ist/ so können sie
ihr regiment glücklich führen/ vnd ihr macht bestendig mache.

Man beklagt sich auch gleicher gestalt/ der auftheilung
der ämpter vnd befelch dises Königreichs/ Das dieselben de-
ren endtsetzt/ die am besten vmb ihr Mt: vnd den Kö: Stahe
verdient seind.

Dises Fundament ist züwil schwach vnd vnruhlich/ ei-
nes so herzlichen Königreichs vndergang/ vnd trennung dar-
vff zü bawen/ Dessen König niemalen seind verbunden gewes-
sen/ des einen oder des andern dienst sich mehr zügebrauchen.
Dazü sie auch durch kein Gesatz obligirt/ dan allein souil jhne
zü ihrem besten gereicht.

Nichts desto weniger so hat ihr Mt: jeder zeit die blüts ver-
wandten Fürsten so hoch geliebt/ vnd geehrt/ als einer ihrer
Mt: vorfahren je mag gethan haben/ vnd hat dabey zü erken-
nen geben/ das sie auch andere zü ansehen/ Ehr/ vnd reputa-
tion begert zü bringen/ die sie auch zü ihren diensten gebraucht.
Dann so offft ihr Mt: einige Kriegsrüstung/ oder Heerzug
hat fürgenommen/ So hat sie jhnen allwegen vor allen ande-
ren/ die Verwaltung vnd das Regiment derselben vertrauet/
vnd wann man erwigt/ wer die seind/ die noch jekiger zeit/ die
fürnembsten/ vnd ansehenlichsten befelch inn disem König-
reich tragen/ So würt man befinden/ das die so jetzt die anfen-
ger diser flag seind/ vil billichere vsach haben/ Irer Mt: gütte
vnd freundschaft sich zü berhümen/ dann ab ihrer Mt: zü be-
klagen oder von ihr sich ab zü sündern.

Sie geben aber für / Sie haben nichts dann den Namen / mit der That aber seien sie aller vortheil / so von solchen befelchen herfließen sollen / beraubt / deren andere sich gebrauchen vnnnd geniessen.

Ehe dann dise klagen mögen endtscheiden werden / So were von nöhten zu vorderst notturfftig zusehen / vnd züergründen / was für gerechtigkeiten / vortheil / vnd prerogatiuen zu einem jeden befelch gehörig / vnnnd dabey zu betrachten durch was personen / bey vorigen Königen / solche befelch vnd ämpter seien versehen worden.

Das ist aber ein Werck das ihr Mt: oft hatt fürgenommen / eines jeden befelch inn ein Ordnung zu bringen / welches auch vor gütter zeit were außgemacht / vnnnd erleutert / wann zu ihr Mt: gütten willen / auch deren / so es billich schuldig gewesen / vnd selbs dabey interessiert seind / gebürlichs züthün ersvolgt were.

Soll es aber jetzt dahin kommen vnd der ganken posteritet hinderlassen werden zusagen / Das eigner priuat nutz vnnnd widerwillen / vrsach seien gewesen / den Staat des ganken Königreichs zu turbiren / vnnnd mit Blüt vnd Jamer zü erfüllen?

Es ist nit der Weg den man billich fürnemen soll / mißbreuch abzuschaffen deren man sich beklagt / dieweil man mit einem so güttigen Herrn züthün / der allzeit dem vbel begert zübegegnet / vnnnd mit grosser begird die mittel die darzü dienlich ihm fürgeschlagen werden / an die hand zünemmen.

Derwegen sollen billich die Wehr niedergelegt / Das fremde Kriegsvolk abgeschafft / das Königreich der gfahr darcin es durch dise empörung gerahet / erledigt / vnnnd an statt dises fürgenommen wegs / der voller ver hinderung / in gemein / vnd innsonderheit voller Jammers vnd ellends ist / billich von rechts vnd schuldigkeit wegen / der gesucht / an die hand genommen vnd gebraucht werden / durch den die Kirch Gottes die allem
gewalt

gewalt zu wider/vnd feind ist/vff das füglichst in jr Herligkeit
wider gebracht/vnnd der Adel (wie er billich soll) mög befri-
digt vnd rühig gemacht werden.

Dann welcher vnder ihrer Mt: vorfahren Königen inn
Franchreich/hat gemeltem Orden in effect mehr lieb vñ zünei-
gung erzeigt / dann eben jr Mt: gethan / inn dem sie nit benü-
zig/das sie denselben allen alten vnnd fürnembsten graden im
Königreich fürgezogen/ Noch auch darzu newe gradus vffge-
richt vnnd verordnet / die sie allein zu mehrer Zierd rechten A-
dels gewidmet/vnd alle andere Ständ dauon gar außgeschlos-
sen vnd dessen beraubt.

So würt auch ihr Mt: vff erleuchterung des gemeinen
volcks zu gleich bedacht sein / Wie sie dann albereit ein güttin
anfang gemacht/vnnd den selben jres besten vermögens begert
zu continuiren.

Vnd ob wol die Häupter dises Kriegs versprechen / das jr
Kriegsvolck inn solcher ordnung leben soll / das meniglich sich
dessen zu erfrewen / Vnnd sie auch die Stett verwarnen keine
Besatzungen einzunemen / So sieht man doch das die Solda-
ten so jert beifamen / albereit vnzalbare excess vnd mißhandlun-
gen begehn / Item das sie Kriegsvolck in die Stätt vnd Plätz/
die sie eingenommen / gelegt / die selben zu regieren vnd zu ihrem
willen zu behalten.

So ist auch gewiß das vil nichtswert / hin vnnd wider
lauffend Herzenloß gesind/vnder eins vnnd des andern theils
Namen zusamen lauffen/vnnd vnzalbar Kirchen vnd Straß-
sen rauben üben würt.

Der gestalt / das an statt dessen das die gfahr dadurch der
vndergang Gottes diensts / vnd frohner leut / verursacht würt/
durch disen Krieg wie fürgeben würt / abgeschafft werden soll/
dis Königreich mit Gottlosem leben / vnnd aller verwüstung
würt erfüllt werden.

Sie geben auch öffentlich für / Das man ihren personen
vnd

vnd leben nach getrachtet/vnd das auch dises der vrsachen eine sey/darumb sie zur Wehze gegriffen.


Es würt aber züuersichtlich niemand glauben können/ das mit diser klag ihr Mt: inn einigen weg gemeint sey/ Nicht allein von wegen der freundtlichen vnnnd gnedigen tractation so sie jeder zeit bey ihrer Mt: gehapt / sonder auch das ihr Mt: von Natur aller rachgirigkeit also züwider/ das noch keiner vff die Welt kommen/der sich ab ihrer Mt: des wegen mit fügen beklagen köñ/ohnangesehen was gestalt sie sey offendirt wordē/ da sich dagegen vil befinden werden / die ihrer Mt: miltigkeite erfahren/vnd deren bey den nachkommenden werden zeugnuß geben können.

Des halben bittet vnd erinnert ihr Mt: die Häupter jehizger Kriegs empörung / das sie ihr Volck wider trennen / den frembden abdanken/ oder abschaffen/von allen Bündtnussen vnd tathlichen handlungen abstehn / vnnnd als ihrer Mt: verwandten vnnnd diener / ihrer Freündtschafft vnd gütten züneisgungen sich volkomlich vertrauen wollen/deren sich auch ihr Mt: (wo sie das thun) gegen ihnen erbeut/ darinn gegen inē zü verharren/ mit gnaden sollichs von ihnen züerkennen / vnd der Ehren sie theilhafftig zümachē/damit sie bissher die so gleicher qualitet vnd Stands seind/ züuerehren gepflogen: Sie wollen sich mit ihr wider versöhnen / vnnnd vereinigen / damit man gemeinlich vnd würcklich zü wider auffrichtung Gottesdiensts vnd des gemeinen nuzes kommen könn/durch die mittel die tauglich vnnnd dienlich darzū mögen erachtet werden/ die ihr Mt: mit gröster begird begert züuernemen.

Ihr Mt: verwarnet auch gleicher gestalt die Geistlichen vnnnd den Adel so ihr vnderworffen / daß sie die nachuolg diser newen empörung wol vnnnd reifflich wollen bedencken/ daß gegen ihrer Mt: Gemüt vnnnd fürhaben rund vnnnd auffrichtig zu gemüt fassen/ vnd glauben/ daß ihr Zweck vnnnd fürsatz allwegen gewesen vnnnd hinfürter beharlich sein werd/meniglich

lich gutes zuthun/vnd keine Menschen zubeschedigen oder zü-
beleidigen. Ihnen wie auch andern ihren Vnderthanen dabey
ernstlich gebietend/sich aller Bündnissen vñ Vereinigungen
züentschlagen / vñnd mit ihrer Mt: sich züvereinigen / wie sie
von Natur/von schuldigkeit/vñnd vmb ihres eignen nutz vnd
heils wegen / züthun verbunden seind. Damit / woh dise
Kriegsrüstung ferner behart werden solt (welches doch ihre
Mt: den lieben Gott züverhindern bittet) daß sie ihrer Mt:
mit racht/mit der racht vnd allen andern mitteln beystendig sein
können/ zü erhaltung des Königreichs (an dessen wolffahrt
auch die erhaltung der Catholischen Apostolischen Kö-
mischen Religion hangt) zü rettung ihrer Ehr vñnd
reputation / vñnd zügleich auch ihrer selbs Leib/
Weib/ Kinder vnd Güter / Dagegen gegen ih-
nen (da sie das thun) aller beharlichen gnedi-
gen züneigung vnd erkantnuß ihrer getre-
wen dienst/sich anbietend. Geschehen
zu Paris im Monat Aprili/

Anno 1585.



E

An Herren von Mandelot / vnser
Kö: Ordens Rittern / Subernatorn
vnd General Leutenant Lyonischen
Gebiets.

Herr von Mandelot / hiemit vberschicke ich euch
ein Abschrift der erklärung meines Gemüts in
jetzigen neuen Empörungen meines Königreichs /
die ich beger allenthalben kundbar / vnd meine Un-
derthanen deren berichtet zu werden. Derwegen so
werdet ihr sie wissen ans Liecht zu bringen / vnd in
etwerm ganzen Ampt also publicieren zulassen / dasz
sie einem jeden mög wissenhaft vnd bekant sein / vnd
werdt mich auch / dasz ihr dieselb empfangen / zu be-
richten wissen /c. Geschriben zu Paris den 8 Maij.
Anno 1585.

Faint, illegible text at the top of the page, possibly bleed-through from the reverse side.

Main body of faint, illegible text, likely bleed-through from the reverse side of the page.

0



Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

M. D. LXXV



AB: 154369


ULB Halle
002 491 087


3



TA → OL







20

13

erklärung
her Maifestet
/ der jetzt im König,
andnen Empörung
wegen.



LXXXV.

